

ԴԻՐՔՈՐՈՇՈՒՄ

ԳԻՐԳԻ ԿՎԻՐԻԿԱՇՎԻԼԻ. «ԴՐԵՍՍՄԵՆՏԻ» ԻՆՍՏԻՏՈՒՏԻ ՆՊԱՏԱԿԸ ԽՈՍՔԻ ԱԶԱՏՈՒԹՅԱՆ ԱՌԵՉՎՈՐ ՀԱՐՅԱԿԱՆՆԵՐԻ ՎԵՐԱՅՈՒՄՆ Է՛



Վրաստանի վարչապետ Գիորգի Կվիրիկաշվիլին «Ռուսթավի 2» հեռուստաընկերության շուրջ ծավալված իրադարձությունների կապակցությամբ համոզես եկավ հայտարարությամբ, որտեղ բարձրացրեց մամուլի օմբուդսմենի ինստիտուտի հիմնման գաղափարը եւ, այդ հարցում համագործակցության համար, հրավիրեց աշխարհում հեղինակավոր իրավապաշտպաններին, մամուլի փորձագետներին ու մասնագետներին:

Յան նպատակն է ապահովել առավելագույն թափանցիկ պլուրալիստական մամուլի միջավայր եւ վերացնել բոլոր հարցականները, որոնք առնչվում են խոսքի ազատությանը:

- Նախ ցանկանում եմ նշել, որ մենք հարգում ենք եվրոպական ինստիտուտների որոշումները, հանձնարարականներն ու կարծիքը, ինչով նրանք նշանակալի ավանդ են ներդրում մեր երկրի ժողովրդավարական զարգացման գործում: Հենց նման (Շարունակությունը՝ 2-րդ էջում)

Վարչապետը այդ գաղափարը ներկայացրեց նաեւ երկրի ոչ կառավարական հատվածի ներկայացուցիչներին: Նրա խոսքով, նախաձեռնու-

ԱՅՑ

ՔՆՆԱՐԿՎԵՅԻՆ ԱՌԵՎՏՐԱՏՆԵՏԵՍԱԿԱՆ ՆԵՐԴՐՈՒՄԱՅԻՆ ՆԵՐՈՒԺԻ ԱԿՏԻՎԱՅՄԱՆ ՀԱՐՅԵՐԸ

Մարտի 9-ին Վրաստանի վարչապետ Գիորգի Կվիրիկաշվիլին մեկօրյա պաշտոնական այցով գտնվում էր Իտալիայում:

Վրաստանի եւ Իտալիայի միջեւ դիվանագիտական հարաբերությունների հաստատման 25-ամյակի առթիվ անցկացված այցի շրջանակներում, Վրաստանի վարչապետը համոզիպում ունեցավ Իտալիայի վարչապետ Պաուլո Զենտիլոնեյի, երկրի սենատի նախագահ Պետրո Գրասիի, Իտալիայի կառավարության անդամների հետ: Վարչապետի այցի շրջանակներում, անցկացվեց

վրաց-իտալական բիզնես-ֆորում, որին մասնակցեց ավելի քան 250 ընկերություն:

Իտալիայի բարձրաստիճան պաշտոնյաների հետ հանդիպմանը կողմնորոշված քննարկեցին առեւտրատնտեսական եւ ներդրում (Շարունակությունը՝ 2-րդ էջում)

ԵԿԵՂԵՑԱԿԱՆ

ՍՈՒՐԲ ՍԻՆՈՂԻ ՎՍԱՅՐՈՒԹՅԱՆ ՔՎԵՆ՝ ՀԵՏԱՔՆՆՈՒԹՅԱՆԸ

Մարտի 9-ին Վրաստանի Ուղղափառ եկեղեցու Սուրբ Սինոդի նիստում վստահության քվե հանձնվեց, այսպես կոչված, «ցիանիդի» գործով տարվող հետաքննությանը:

Սուրբ Սինոդի կողմից ընդունված որոշման մեջ նշվում է, որ իրենք հուսով են, որ հետաքննությունը կանցկացվի առավելագույն թափանցիկ: Սինոդի օրակարգում քննարկվեց նաեւ ավագ երեց Գիորգի Մամալաձեի քրեական գործի թեման եւ քննարկման արդյունքում որոշվեց, որ, ելնելով սույն գործի առթիվ հասարակական բարձր հետաքրքրությունից, հետաքննությունը կտարվի օբյեկտիվ եւ առավելագույն թափանցիկ: Սուրբ Սինոդի մեկ այլ որոշմամբ, ճղոնդի դեղի միտոսոլիտ Պետրեն ազատվել է պատրիարքության հեռուստաընկերության ղեկավարությունից: Նրան արգելված է առնչվել լրագրողների հետ: ճղոնդի դեղի Սիտրոպոլիտ (Շարունակությունը՝ 3-րդ էջում)

Պետրեի «Էթսուլովենբա» հեռուստաընկերության ղեկավարությունից ազատելու փաստը բողոքարկել են այդ հեռուստաընկերության աշխատակիցները: Նրանք հատուկ ուղերձ են հղել Համայն Վրաստանի Կաթողիկոս-Պատրիարք Իլիա Երկրորդին խնդրով (Շարունակությունը՝ 3-րդ էջում)

«ՌՈՒՄԹՎԻ 2» ՀԵՌՈՒՄՏԱԸՆԿԵՐՈՒԹՅԱՆ ՇՈՒՐՁ ՍՏՐԱՍԲՈՒՐԳԻ ԴԱՏԱՐԱՆԸ ԱՆԺԱՄԿԵՏ ԿԱՆԳՆԵՑՐԵԼ Է «ՌՈՒՄԹՎԻ 2»-Ի ԳՈՐԾՈՎ ԴԱՏԱՎԵՒՈՐ

Ինչպես արդեն հաղորդել ենք, մարտի 2-ին Վրաստանի Գերագույն դատարանը, դռնփակ քննարկելով «Ռուսթավի 2»-ի սեփականության հարցը, անփոփոխ էր թողել ստորին ատյանների դատարանների որոշումը, ըստ որի, հեռուստաընկերության սեփականատեր էր ճանաչվում գործարար Քիբար Խալվաշին:

«Ռուսթավի 2» հեռուստաընկերության դատապաշտպանները վերոնշյալ որոշումը բողոքարկեցին մարդու իրավունքների եվրոպական դատարանում: Մարտի 7-ին Ստրասբուրգի դատարանը նախնական որոշում ընդունեց, ըստ որի, Վրաստանի Գերագույն դատարանի որոշումը ժամանակավորապես կանգնեցվելու է մինչեւ մարդու իրավունքների դատարանի կողմից գործի լիարժեք քննարկումը: Ինչպես հայտարարեց «Ռուսթավի 2» հեռուստաընկերության գլխավոր տնօրեն Նիկա Գվա-

րագույն դատարանի որոշումը ժամանակավորապես կանգնեցվելու է մինչեւ մարդու իրավունքների դատարանի կողմից գործի լիարժեք քննարկումը: Ինչպես հայտարարեց «Ռուսթավի 2» հեռուստաընկերության գլխավոր տնօրեն Նիկա Գվա-

րագույն դատարանի որոշումը ժամանակավորապես կանգնեցվելու է մինչեւ մարդու իրավունքների դատարանի կողմից գործի լիարժեք քննարկումը: Ինչպես հայտարարեց «Ռուսթավի 2» հեռուստաընկերության գլխավոր տնօրեն Նիկա Գվա-

(Շարունակությունը՝ 4-րդ էջում)

ԵՎՐԱԽՆՏԵՎՐՈՒՄ

ՎՐԱՍՏԱՆԸ՝ ԱՆԱՅՅԵՎՐԱՅԻՆ ԴԱՅՄԱՆԱԿԱՐԳՈՎ ԵՐԿՐՆԵՐԻ ՅՈՒՅԱԿՈՒՄ

Վրաստանի արտաքին գործերի նախարարությունը տարածել է հաղորդագրություն, որ մարտի 8-ին Եվրամիության պաշտոնական հանդեսում հրապարակվել են այն կարգավորման փոփոխությունները, որով առանց այցեգրերի Եվրամիությունն այցելող երկրների ցուցակում մտցվել է Վրաստանը:

- Վրաստանի բոլոր քաղաքացիներին շնորհավորում ենք այս կարեւոր որոշման առթիվ: Եվրամիության երկրների հետ անայցեգիր ռեժիմի սահմանում կնպաստի զբոսաշրջության զարգացմանը, գործարար կապերի խորացմանը, ուսանողների փոխանակման ծրագրերի ակտի-



վացմանը,- ասված է գերատեսչության հաղորդագրության մեջ: Դիվանագիտական գերատեսչության տեղեկատվությամբ, սույն կարգավորումն ուժի մեջ կմտնի հրապարակումից 20 օր անց՝ մարտի 28-ին:

Դրանում նշված է, որ առանց այցեգրերի Եվրամիության երկրներ ուղևորություններից կարող են օգտվել Հարավային Օսեթիայում եւ Աբխազիայում բնակվող Վրաստանի քաղաքացիները: (Խորագրի շարունակությունը՝ 4-րդ էջում)

ՆԱԽԱՁԵՆՈՒԹՅՈՒՆ

ԳԻՐԳԻ ՄԱՐԳՎԵԼԱՇՎԻԼԻ. «ՍԿՍՈՒՄ ԵՆՔ «ՍԱՀՄԱՆԱԴՐՈՒԹՅՈՒՆԸ ԲՈԼՈՐԻՆՍ Է» ԳՈՐԾԸՆԹԱՅԸ»

Սահմանադրության վերանայման գործընթացի նկատմամբ առավել բարձր մակարդակի վստահության հաստատման եւ այդ գործընթացում հասարակայնության ներգրավման նպատակով, Վրաստանի նախագահ Գիորգի Մարգվելաշվիլու նախաձեռնությամբ, մարտի 10-ին, նախագահական նստավայրում, տեղի ունեցավ «Սահմանադրությունը բոլորինս է» քաղաքաշավի շնորհանդեսը, որին ներկա էին քաղաքական կուսակցությունների, տեղական եւ միջազգային կազմակերպությունների, դիվանագիտական կորպուսի ներկայացուցիչները: Միջոցառմանը չներկայացան կառավարության, խորհրդարանական մեծամասնության ներկայացուցիչները, ինչպես նաեւ սահմանադրական հանձնաժողովի անդամները:

Իր ելույթում, Վրաստանի նախագահը ներկայացրեց իր հայեցակետը սահմանադրական փոփոխությունների հարցում: Գիորգի Մարգվելաշվիլու համոզմամբ, հասարակությունը պետք է ակտիվորեն ներգրավվի սահմանադրության քննարկմանը:

- Որպեսզի սահմանադրությունը վերածենք համընդհանուր համայնության փաստաթղթի, մենք սկսում ենք «Սահմանադրությունը բոլորինս է» գործընթացը,-

հայտարարեց նախագահը եւ հավելեց, որ այդ ենթատեքստում բոլորին կտրվի իր դիրքորոշումը ներկայացնելու հնարավորություն:

- Համոզված եմ, որ այս գործընթացով նշանակալիորեն կաջակցենք սահմանադրական հանձնաժողովին, նրան հստակորեն կհասցնենք այդ փաստաթղթի գլխավոր պատվիրատուի, գլխավոր ոգեշնչողի ճայնն ու կարծիքը,- ընդգծեց նախագահը: (Խորագրի շարունակությունը՝ 4-րդ էջում)

ԵՆԹԱԿՈՒՄՅՑ

ԿՎԵՐԱՆՈՐՈԳԻ ՀԱՅԱՍՏԱՆ ՏԱՆՈՂ ՃԱՆԱՊԱՐՅԸ

Վրաստանի տարածաշրջանային զարգացման եւ ենթակառուցվածքի նախարարության ավտոմոբիլային ճանապարհների դեպարտամենտը ծրագրվում է նորոգել այն ճանապարհը, որը տանում է դեպի վրաց-հայկական եւ վրաց-ադրբեջանական սահմաններ:

Նախագիծն իրականացվում է Համաշխարհային բանկի ֆինանսավորմամբ Արեւելք - Արեւմուտք արագընթաց մայրուղու բարեկարգման նախագծի շրջանակներում: Այս փուլում Ռուսթավի - Սադախլու (վրաց-հայկական սահման) եւ Ռուսթավի - Կարմիր կամուրջ (վրաց-ադրբեջանական սահման) ավտոմայրուղիների համար սկսվում են նախագծման աշխատանքները: Նախագծային աշխատանքները

իր ավարտման ժամկետը 17 ամիս է, իսկ դրանց արժեքը կազմում է 1,7 միլիոն եվրո եւ 1,8 միլիոն լարի (շուրջ 689 հազար դոլար): Աշխատանքների կատարման հայտանրջույթը կհայտարարվի նախագծման ավարտից հետո: Նշված հատվածները Վրաստանի տարածաշրջան բարեկարգման նախագծի բաղկացուցիչ մասն են, որոնք երկրի վարչապետ Գիորգի Կվիրիկաշվիլին ներկայացրել է 2016 թվականի աշնանը:

(Շարունակությունը՝ 4-րդ էջում)

ԱՅՑ

ՔՆՆԱՐԿՎԵՑԻՆ ԱՌԵՎՏՐԱՏՆԵՏԱԿԱՆ ՆԵՐԴՐՈՒՄԱՅԻՆ ՆԵՐՈՒԺԻ ԱԿՏԻՎԱՅՄԱՆ ՀԱՐՑԵՐԸ

(Սկիզբը՝ 1-ին էջում)

րումային ներուժի առավել ակտիվացման հետ առնչվող հարցերը, քննարկվեցին գյուղատնտեսության, էներգետիկայի եւ զբոսաշրջության ոլորտներում համագործակցության հեռանկարները: Կողմերը անդրադարձան նաեւ մշակույթի, կրթության, պաշտպանության ու անվտանգության ոլորտներում համագործակցությանը, քն-

նարկեցին ՆԱՏՕ-ում եւ Եվրամիությունում Վրաստանի ինտեգրման հետ առնչվող հարցը:

Այցի շրջանակներում անցկացված վրաց-իտալական բիզնես-ֆորումի ընթացքում, մի շարք մասնավոր ընկերությունների, ինչպես նաեւ Իտալիայի առևտրական պալատի եւ Վրաստանի առևտրաարդյունաբերական պալատի միջեւ ստորագրվեցին համագործակցության մի քանի հուշագրեր:



ԳԵՐՄԱՆԻԱ

«ԽՈՐ ՏԱՐԱԶԱՅՆՈՒԹՅՈՒՆՆԵՐ» ԹՈՒՐԲԱՅԻ ՇԵՏ

ՀԱՐԱԲԵՐՈՒԹՅՈՒՆՆԵՐՈՒՄ

Գերմանիայի կանցլեր Անգելա Մերկելը Թուրքիայի հետ «խորը տարածայնությունների» առկայություն է արձանագրել Գերմանիայում թուրք քաղաքական գործիչների ելույթների հետ կապված սկանդալի ֆոնին:

- Եվրամիության եւ Թուրքիայի միջեւ, Գերմանիայի եւ Թուրքիայի միջեւ գոյություն ունեն «խորը տարածայնություններ», մենք դա այսօր զգում ենք ինչպես երբեք, - ասաց Մերկելը: Գերմանիայի կանցլերը Թուրքիայի նախագահ Ռեջեփ Թայիփ Էրդողանից պահանջեց դադարեցնել իրենց երկիրը նացիստական անվանելուց:

Նշենք, որ Գերմանիայի Համբուրգ քաղաքի Plaza Event Center սրահում նախատեսված Թուրքիայի արտաքին գործերի նախարար Մելուք Չավուշօղլուի միջոցառումը, որը տեղի էր ունենալու սահմանադրական հանրաքվեի քարոզարշավի շրջանակում, չեղյալ էր համարվել: Արտգործնախարար ստիպված էր եղել ելույթ ունենալ Թուրքիայի հյուպատոսի կեցավայրում:

Գերմանական տեղական իշխանությունները չեղյալ էին հայտարարել Թուրքիայի արդարադատության նախարար Քեքրի Քոզդաղի ելույթը Գերմանիայի Գագենաու քաղաքում: Կատարվածի քննադատությանը էր հանդես եկել նախագահ Էրդողանը, ով հայտարարել էր, թե Գերմանիան իր պահվածքով նմանվում է նացիստների գործելաճին: Էրդողանի հայտարարությունը կրկնել էր նաեւ արտգործնախարար Չավուշօղլուն:

ԵՎՐԱՄՈՐՅՈՒՐԴ

ԴՈՆԱԼԴ ՏՈՒՍԿԸ ՎԵՐԸՆՏՐՎԵՑ ՆԱԽԱԳԱՐԻ ՊԱՇՏՈՆՈՒՄ

Մարտի 9-ին Եվրոպական միության անդամ երկրների առաջնորդները 2,5 տարով երկարաձգեցին Դոնալդ Տուսկի մանդատը Եվրոպայի խորհրդի ղեկավարի պաշտոնում, չնայած Լեհաստանի ընտրությունները տեղափոխելու ցանկությանը:

Եվրոպական խորհրդի նախագահ Դոնալդ Տուսկը շնորհակալություն է հայտնել բոլոր նրանց, ովքեր պաշտպանել են իր թեկնածությունը տվյալ պաշտոնում վերընտրվելու հարցում:

ԵՎՐԱՄԻՈՒԹՅՈՒՆ

ՀԱՎԱՌՈՒՄԱԿԱՆ ՊԱՏՃԱՄԻՋՈՑՆԵՐԸ ԵՐԱՐԱԶԳՎՈՒՄ ԵՆ

Եվրամիությունը մարտի 15-ին կես տարով կերկարացնի պատժամիջոցները Ռուսաստանի եւ Ուկրաինայի հարավ - արևելքի ինքնահռչակ հանրապետությունների 146 քաղաքացիների, ինչպես նաեւ 37 կազմակերպությունների դեմ:

Ռուսաստանի համար սեւ ցուցակը վերջին անգամ կես տարով երկարաձգվել է սեպտեմբերի 15-ին: Այն ժամանակ դրա մեջ մտնում էր 146 մարդ, ներառյալ՝ ՌԴ-ի իշխանությունների ներկայացուցիչներ, ռուսաստանցի քաղաքական գործիչներ, գործարարներ եւ ուժայիններ, ինչպես նաեւ ինքնահռչակ Դոնեցկի եւ Լուգանսկի ժողովրդական շնորհապետությունների (ԴԺՀ եւ ԼԺՀ) ղեկավարներ: Ցանկում ներառվել են 37 կազմակերպություններ, այդ թվում՝ ԴԺՀ-ի եւ ԼԺՀ-ի բոլոր հայտնի ռազմական եւ քաղաքական կառույցները, որոնց հետ եվրոպական բիզնեսին արգելված է որեւիցե հարաբերություն հաստատել:

Բոլորին, ովքեր հիշատակված են ցուցակում, արգելված է ԵՄ մուտքը, իսկ նրանց ակտիվները, Եվրոպայի բանկերում դրանց հայտնաբերման դեպքում, ենթակա են սառեցման:

ԴԻՐՔՈՐՈՇՈՒՄ

ԳԻՈՐԳԻ ԿՎԻՐԻԿԱՇՎԻԼԻ. «ՊՐԵՍՍՈՒԴԱՄԵՆԻ» ԻՆՍՏԻՏՈՒՏԻ ՆՊԱՏԱԿԸ ԽՈՍՔԻ ԱԶԱՏՈՒԹՅԱՆԸ ԱՌՆՉՎՈՂ ՀԱՐՑԱԿԱՆՆԵՐԻ ՎԵՐԱՅՈՒՄՆ Է՝

(Սկիզբը՝ 1-ին էջում)

վերաբերմունք ունենք նաեւ «Ռուսթավի 2»-ի հարցում մարդու իրավունքների Եվրոպական դատարանի ժամանակավոր միջոցների կիրարկման մասին որոշման նկատմամբ: Միաժամանակ, ցանկանում են բոլորին հիշեցնել եւ ընդգծել, որ մեր կառավարությունը գործով հաստատել է իր հավատարմությունը ժողովրդավարական արժեքներին, ինչը բազմիցս ընդունվել է միջազգային ժողովրդավարական ինստիտուտների կողմից: Այդ մասին է վկայում նաեւ մեր միջազգային վարկանիշը:

Դատարանի գերակայությունը, մարդու իրավունքների պաշտպանությունը, այդ թվում՝ խոսքի եւ արտահայտման ազատությունը, դատարանի ան-

կախությունը՝ այս ամենը մեր կառավարության քաղաքականության արդյունքն է, ու մեր երկրի եւ ժողովրդի գլխավոր ձեռքբերումը, ինչի պաշտպանումն ու պահպանումը մեր հիմնական առաջնահերթությունն է,- հայտարարեց վարչապետ Գիորգի Կվիրիկաշվիլին:

Վարչապետն ընդգծեց, որ խոսքի եւ արտահայտման ազատության բազմակարծության պաշտպանությունը համապատասխանում է կառավարության շահերին, ուստի եւ այդ ոլորտում ոչ մի հարցական չպետք է լինի:

- Այդ պատճառով էլ առաջարկում են հիմնել մամուլի օմբուդսմենի ինստիտուտ եւ դրանում հրավիրել աշխարհում բարձր վարկանիշից օգտվող իրավապաշտպանների: Ես հրապարակայնորեն համագործակցության եմ հրավիրում եվրոպական

մեդիա փորձագետներին եւ համաշխարհային մակարդակի մասնագետների, ովքեր իրենց գործունեությամբ եւ աշխատանքով ապացուցել են իրենց արհեստավարությունը: Այդ ինստիտուտը մշտապես անցկացնելու է ուսումնասիրություններ, երկրում մեդիա միջավայրի վերահսկողություն, եւ դա առնչվելու է ինչպես «Ռուսթավի 2»-ին, այնպես էլ՝ հանրային հեռուստատեսությանն ու, ընդհանրապես, ողջ լրատվատարածքին:

Մենք պատրաստ ենք համագործակցության համար, շահագրգռված ենք մեր ինստիտուտների պաշտպանության եւ ուժեղացման հարցում ու հնարավոր ամեն ինչ կանենք, որպեսզի մեր երկրի զարգացումը հիմնված լինի Եվրոպական եւ ժողովրդավարական արժեքների վրա,- հայտարարեց Գիորգի Կվիրիկաշվիլին:



ԿՐԹԱԿԱՆ

ԴՊՐՈՑՆԵՐԻ ՀԱՄԱՐ ՄՇԱԿՎՈՒՄ Է ԷՔՍԿՈՒՐՍԻԱՆԵՐԻ ՏԵՂԵԿԱԳԻՐՔ

Վրաստանի կրթության եւ գիտության նախարարությունը աշխատում է դպրոցների համար էքսկուրսիաների օբյեկտների տեղեկագրքի մշակման շուրջ: Ինչպես հայտարարեց կրթության նախարար Ալեքսանդր Ջեջելավան, էքսկուրսիաները կդառնան ազատ դասերի բաղկացուցիչ մասը:

- Մեր նպատակն է, որպեսզի էքսկուրսիաներն իրենց բովանդակությամբ չսահմանափակվեն մոմեր վառելով եւ հավի միս ուտելով:

Դրանք համատեղելու են ինչպես դասը, այնպես էլ՝ ժամանցը: Մենք մշակում ենք էքսկուրսիաների ծրագրեր: Էքսկուրսիան կդառնա ազատ դասերի նախաձեռնության բաղադրամասը՝ անկախ նրանից, թե դրանք որտեղ կանցկացվեն: Մենք ցանկանում ենք օգնել մանկավարժներին եւ նրանց կվճարենք կոնկրետ ակտիվության համար: Մենք կունենանք նաեւ էքսկուրսիաներ ընդունող կազմակերպությունների ցուցակը, որոնք կունենան հատուկ տարածքներ երեխաների համար: Այս տարվա տեղեկագրքում արդեն կներառվեն հարյուր կազմակերպություններ: Դպրոցի ներկայացուցիչները կարող են հեռախոսով կապվել նրանց հետ ու պայմանավորվել: Մեր

նախաձեռնությունը լայն պաշտպանության է արժանացել արդարադատության գերատեսչությունում, ինչպես նաեւ թանգարանների, թատրոնների, մարզական հաստատությունների կողմից: Կարծում են, եթե այս տարի մենք ունենանք հարյուր օբյեկտ, ապա հաջորդ տարի այդ թիվը կհասցնենք հազարի: Կլինեն տեղեկագրքի ինչպես օճալայն, այնպես էլ՝ տպագիր տարբերակներ, որտեղ հստակորեն նշված կլինի, թե ուր կարելի է գնալ, եթե կա կոնկրետ ցանկություն եւ գաղափար: Այդ ամենը հետաքրքիր կլինի ինչպես արհեստավարության տեսանկյունից, այնպես էլ՝ այլ առումներով,- հայտարարեց Ալեքսանդր Ջեջելավան:



ՀԱՆԴԻՊՈՒՄ ՀԱՐՑԵՐԻ ՔՆՆԱՐԿՄԱՆ ՀԱՄԱՐ

ՔՆՆԱՐԿՎԵՑԻՆ ԲՈՒՆԱԶԱՎԹՎԱԾ ՏԱՐԱԾՔՆԵՐՈՒՄ ՍԱՐԴՈՒ ԻՐԱՎՈՒՆՔՆԵՐԻ ԽԱՆՏՄԱՆ ՓԱՍՏԵՐ



Հանդիպմանը քննարկվեցին Վրաստանի բռնազավթված տարածքներում առկա իրավիճակի, այդ թվում՝ մարդու իրավունքների խախտման փաստերին, ինչպես նաեւ բռնազավթված գոտու երկայնքով ստեղծված իրավիճակի հետ առնչվող հարցերը: Պետնախարարը հյուրերի ուշադրությունը բեւեռեց արխազական վարչական սահմանագծում Օրսանտիա-Օտորախա եւ Խուրչա-Նաբակելի անցակետերի փակման փաստի վրա:

Մարտի 9-ին Վրաստանի հաշտեցման եւ քաղաքացիական իրավահավասարության հարցերով Վրաստանի պետնախարար Քեթեան Ցիխելաշվիլին հանդիպում ունեցավ Վրաստանում Եվրամիության ներկայացուցիչ Յանուշ Գերմանի, Հարավային Կովկասում Եվրամիության հատուկ ներկայացուցիչ քաղաքական խորհրդական Բյորն Կոնսի եւ Եվրամիության դիտորդական առաքելության ղեկավար Կյաստուտ Յանկաուսկասի հետ:

- Արխազական դե-ֆակտո իշխանության կողմից, այսպես կոչված, անցակետերի փակումը անընդունելի է եւ ուղղված մարդկանց շահերի դեմ: Կրկին անգամ կոչ են անում այդ գործընթացում ներգրավել բոլոր կողմերին ու մասնակիցներին, հստակեցնել այդ քայլերի հետեւանքները ողջ երկրամասի բնակչության համար,- հայտարարեց Քեթեան Ցիխելաշվիլին: Նա խոսեց նաեւ Վրաստանի կառավարության խաղաղափրական քաղաքականության, հակամարտության խաղաղ կարգավորման գործընթացում Եվրամիության եւ դիտորդական առաքելությունների ներգրավման նշանակության մասին: Կողմերը քննարկեցին նաեւ առաջիկա համագործակցության հետ առնչվող հարցեր:

ԵՎՐԱՄԻՆՏԵԳՐՈՒՄ

ԻՆՉ ՓԱՍՏԱԹՂԹԵՐ ԿՊԱՅԱՆՋՎԵՆ՝ ԵՎՐԱՄԻՆՏԱՆ ՍԱՐՄԱՆԸ ՀԱՏԵԼԻՍ

Ինչպես արդեն հաղորդել ենք, մարտի 1-ին, Բոյոսեյում, Եվրամիության կառույցների կողմից հաստատվեցին այն նոր կարգավորումները, ըստ որոնց, Վրաստանին շնորհվեց անայցեգրային պայմանակարգը:

Ի՞նչ փաստաթղթեր կպահանջվեն Վրաստանի քաղաքացիներին, որպեսզի նրանք առանց որևէ հիմնախնդրի կարողանան հատել Եվրամիության անդամ երկրների եւ Շենգենյան գոտու երկրների սահմանները:

Մարտի 28-ից ուժի մեջ մտնող անայցեգրային պայմանակարգից, առաջին հերթին, կարող են օգտվել կենսաչափական անձնագրեր ունեցող Վրաստանի քաղաքացիները, ովքեր 180 օրվա ընթացքում 90 օրը կարող են անցկացնել Եվրամիության անդամ երկրների տարածքում: Վրաստանի քաղաքացիների համար անայցեգրային պայմանակարգը հնարավորություն է ընձեռում այցելել Եվրամիության 26 երկիր, այդ միության

կազմից դուրս՝ չորս երկիր: Ցուցաբերում բացառություն են կազմում Եվրամիության երկու անդամ երկրները՝ Մեծ Բրիտանիան եւ Իռլանդիան: Սահմանը հատելիս՝ հարկ է պարտադիր կարգով ունենալ մեկնման եւ հետդարձի տոմսերը, ապահովագրական պոլիսը, ֆինանսների առակայություն, որը օրվա հաշվով կազմելու է մոտավորապես 50 եվրո (դա կարող է լինել կանխիկ գումար կամ բանկից տեղեկանք, որ ձեր հաշվի վրա կա համապատասխան գումար): Ի տարբերություն Եվրամիության երկրների, Շենգենյան գոտու երկրներ մուտք գործելու համար, լրացուցիչ կպահանջվի նաեւ բնակտարածքի (հյուրանոցի) ամրագրման փաստաթուղթ: Եթե մտադիր եք հանգրվանել բարեկամների կամ ազգականների մոտ, ապա պետք է ունենաք այդ անձանց հավաստող փաստաթղթերը, օրինակ, նրանց անձնական վկայականի պատճենը եւ կոնտակտային տվյալները:

ՆԱԽԱՁԵՆՈՒԹՅՈՒՆ

«ՍԱՀՄԱՆԱՐԱԿԱՆ ՓՈՓՈԽՈՒԹՅՈՒՆՆԵՐԻ ՔՆՆԱՐԿՄԱՆ ԷՔՍԿԼՅՈՒՅԻՎ ԻՐԱՎԱՍՈՒԹՅՈՒՆԸ ԽՈՐՀՐԴԱՐԱՆԻՆ Է»

Արձագանքելով Վրաստանի նախագահ Գիորգի Մարգվելաշվիլու նախաձեռնությանը՝ խորհրդարանի խոսնակ Իրակլի Կոբախիձեն հանդես եկավ հատուկ հայտարարությամբ, որտեղ մասնավորապես ասված է.

- Սահմանադրական փոփոխությունների հարցով քարոզարշավի առաջարկությամբ, երկրի նախագահը «կրկին իրեն հակադրում է խորհրդարանին ու պետական սահմանադրական հանձնաժողովին եւ տազնապալի անհարգալից վերաբերմունք ցուցաբերում երկրի ժողովրդավարական գլխավոր սահմանադրական ինստիտուտի նկատմամբ»:

Իրակլի Կոբախիձեի խոսքով, նախագահը հանդիպումը նշանակել է մարտի 10-ին, խորհրդարանի լիազուրմար միտի անցկացման օրը, եւ նրա սահմանադրա-



կան հանձնաժողովի 60 անդամներից 34-ը խորհրդարանի պատգամավորներ են եւ մարտի 10-ին պետք է զբաղվեն իրենց անմիջական պարտականությունների կատարմամբ:

- Վրաստանի օրենսդրության համաձայն, սահմանադրության վերանայման օրինանախագծի համաժողովրդական քննարկմամբ կազմակերպումը երկրի խորհրդարանի էքսկլյուզիվ իրավասությունն է: Ուստի, օրենսդրության եւ իրական տրամադրության համապատասխան, համաժողովրդական քննարկումը կարող է անցկացվել միայն նրանից հետո, երբ կնշակվի ու կներկայացվի օրինանախագիծը: Ելնելով դրանից՝ հանձնաժողովի աշխատանքի ավարտից երկու ամիս շուտ, նախագահի նախաձեռնությունը գուրկ է իրատեսական հիմքերից, - հայտարարել էր Իրակլի Կոբախիձեն:

«ՌՈՒՍԹԱՎԻ 2» ՀԵՌՈՒՄՏԱԸՆԿԵՐՈՒԹՅԱՆ ՇՈՒՐՁ



ՍՏՐԱԲՈՒՐԳԻ ԴԱՏԱՐԱՆԸ ԱՆԺԱՄԿԵՏ ԿԱՆԳՆԵՅՐԵԼ Է «ՌՈՒՍԹԱՎԻ 2»-Ի ԳՈՐԾՈՎ ԴԱՏԱՎՃԻՈՆ

(Սկիզբը՝ 1-ին էջում)

րամիան, Ստրասբուրգի դատարանի որոշմամբ, Վրաստանի կառավարությանն արգելում է ի կատար ածել Գերագույն դատարանի որոշումը:

Բնականաբար, Ստրասբուրգի դատարանի որոշումը բացասաբար ընդունվեց Քիբար Խալվաշու եւ նրա փաստաբանների կողմից, թեպետ նրանք համոզված են, որ վերջին հաշվով գործը կշահեն: Ինչպես հայտարարեց Քիբար Խալվաշու փաստաբան Պաստա Սալիան, բացառված չէ, որ Ստրասբուրգի դատարանի որոշումը դառնա «Ռուսթավի 2»-ի գործի նոր հետաքննության պատճառ:

«Ռուսթավի 2»-ի գործի կապակցությամբ, Եվրախորհրդարանի կազմի հիմնական քաղաքական խմբերի ներկայացուցիչները հատուկ ուղերձով դիմել են Վրաստանի վարչապետ Գիորգի Կվիրիկաշվիլուն եւ Եվրամիության ղեկավարներին: Նրանք մտահոգություն են հայտնել հեռուստաընկերության շուրջ ծավալվող իրադարձությունների կապակցությամբ: Վրաստանի վարչապետ Գիորգի Կվիրիկաշվիլին, անդրադառնալով «Ռուսթավի 2» հեռուստաընկերության շուրջ ծավալված իրադարձություններին, հայտարարեց, որ բացարձակապես անթույլատրելի է դատական իշխանությունների որոշման նկատմամբ անհարգալից վերաբեր-

մունքը, ինչպես նաեւ խոսքի ազատության սահմանափակումը:

Արձագանքելով «Ռուսթավի 2»-ի գործով Ստրասբուրգի դատարանի ընդունած որոշմանը՝ Վրաստանի խորհրդարանի նախագահ Իրակլի Կոբախիձեն անընդունելի է համարում գործի «Ռուսթավի 2»-ը Վրաստանի դեմ» ձեւակերպումը:

- «Քիբար Խալվաշին Ղարամաշվիլիների դեմ» անվանման փոխարեն, գործը քննարկվում է «Ռուսթավի 2»-ը Վրաստանի դեմ» անվամբ, ինչն անընդունելի է: Մենք պարտավոր ենք պաշտպանել Վրաստանի եւ մեր ինստիտուտների վարկանիշը, - հայտարարեց Իրակլի Կոբախիձեն:

ՈՐՔԱՆՈՎ Է ԴԱՐՏԱԳԻՐ ՍՏՐԱԲՈՒՐԳԻ ԴԱՏԱՐԱՆԻ ՈՐՈՇՈՒՄԸ

Ինչպես հայտարարեց Քաղաքականության եւ արդարադատության կենտրոնի նախագահ, փաստաբան Ամիրան Գիգուաշվիլին, եթե Ստրասբուրգի դատարանի կողմից իրականացվող միջոցառումները չավարտվեն մարտի 8-ից հետո մինչեւ այդ դատարանի կողմից «Ռուսթավի 2»-ի գործի քննարկման ավարտը ընդունած որոշման կատարման համար, ապա միակ իրավական մեխանիզմը, որը հնարավորություն կտար Քիբար Խալվաշուն հանրային ռեեստրում իրականացնել սեփականության իրավունքի վավերացումը, Վրաստանի իշխանության կողմից Ստրասբուրգի դատարանի որոշման անտեսում է:

- Մինչ օրս մենք հետել ենք մարդու իրավունքների Եվրոպական կոմիտեի միջոցով եւ պարտավորություն ստանձնել լրիվությամբ ճանաչել Ստրասբուրգի դատարանի որոշումները, որոնք բոլոր դեպքերում ուղղված են դատական մեր համակարգում առկա թերացումների վերացմանը: Այդպես է ամենուրեք, որտեղ փոքրիշատե հավակնում են ժողովրդավարությանը: Թեպետ, կան նաեւ այլ մոտեցումներ, օրինակ, Ռուսաստանում, որտեղ Ստրասբուրգի դատարանի որոշումը լրիվությամբ կամ մասնակիորեն կարող է փոխել երկրի Սահմանադրական դատարանը, - հայտարարեց Ամիրան Գիգուաշվիլին:

ՈԼՈՐՏ

ԻՆՉՈ՞Ւ ԵՆ ԽՈՒՍԱՓՈՒՄ ԱԳՐՈՎՊԱՅՈՎԱԳՐՈՒԹՅՈՒՆԻՑ

Ներկա դրությամբ, Վրաստանում գործող շուրջ 300 հազար ֆերմերներից, ագրոպայահովազությունից օգտվում է մոտ 16 հազարը: Ընդհանուր առմամբ, ագրոպայահովազության պետական ծրագրում ներգրավվել է ֆերմերների ընդամենը 5 տոկոսը:

Վրաստանի գյուղատնտեսության նախարարության գյուղատնտեսական նախագծերի կառավարման գործակալության տեղեկատվությամբ, 2014 թվականին, 2016 թվականի համեմատությամբ, ագրոպայահովազության շրջանակներում ընդգրկված ֆերմերների թիվը գերազանցեց 6 հազարով: Որպես ագրոպայահովազության նկատման գերազանցեց ինտեքստիվության նվազեցման պատրվակ՝ համարվում է պետական նպաստների նվազեցումը: Թեպետ փորձագետների համոզմամբ, դրա հիմնական պատճառներից են նաեւ ագրոպայահովազության վերաբերյալ ֆերմերների քիչ տեղեկատվությունը, ինչպես նաեւ ֆերմերների ստացած վնասի գնահատման համակարգի թերացումը:

Հիշեցնենք, որ ագրոպայահովազության պետական ծրագիրը մեկնարկեց 2014 թվականի սեպտեմբերի 1-ից եւ հետապնդում է ագրոպայահովազության կառավարման, գյուղատնտեսական գործունեության աջակցության վերաբերյալ գործունեությամբ զբաղվող անձանց եկամուտների պահպանման եւ ռիսկերի նվազեցման նպատակ: Պետական ծրագիրը իրականացնում է գյուղատնտեսական նախագծերի կառավարման գոր-

ծակալությունը, որը ծրագրի իրականացման նպատակով պայմանագրեր է ձեւակերպում Վրաստանում օրենսդրությամբ սահմանված կարգով հավաստագրված համապատասխան ապահովագրական ընկերությունների հետ եւ այդ պայմանագրերի հիման վրա իրականացնում է ապահովագրական պոլիսների ֆինանսավորումն ու դրա մոնիտորինգը:

Ագրոպայահովազության հարցով շահագրգռված ֆերմերները ապահովագրական պոլիսներ կարող են ստանալ Վրաստանում գործող հինգ ապահովագրական ընկերություններում՝ «Ալդագի», «Ջի Պի Այի հոլդինգ», «Ախի խումբ», «Արդի խումբ», «Ունիսոն»:

Վերոնշյալ ծրագրի շրջանակներում, ապահովագրական պոլիսով հնարավոր է մարել ապահովագրական հետելյալ ռիսկերը՝ կարկտահարությունը, առատ տեղումները, փոթորիկը, աշմանային ցրտահարությունները (միայն ցիտրուսային մշակաբույսերի համար) սեպտեմբերի 1-ից մինչեւ նոյեմբերի 30-ը ներառյալ ժամանակահատվածում:

2016 թվականին պետական վերոնշյալ ծրագրում կատարված փոփոխությունների համաձայն, ֆերմերները կարող են



ապահովագրել մինչեւ 5 հեկտար հողատարածք (հատիկային մշակաբույսերի դեպքում՝ 30 հեկտար): Ապահովագրվածներից յուրաքանչյուրը՝ 70 տոկոսի համաֆինանսավորմամբ, կստանա ծրագրով նախատեսված բոլոր մշակաբույսերի համար նախատեսված գումարը, իսկ խաղողի համար այն նախատեսում է մինչեւ 50 տոկոսի համաֆինանսավորում: Հանրային ռեեստրում հողատարածքի գրանցման կամ արդեն գոյություն ունեցող կադաստրային կողի առկայության դեպքում, ապահովագրության համաֆինանսավորումն ավելացվում է 10 տոկոսով:

Գործարկվել են նվազագույն եւ առավելագույն ապահովագրական սակագները: Իշխանությունում գտնում են, որ վերոնշյալ փոփոխությունները կնպաստեն ապահովագրական ընկերությունների միջեւ մրցակցության ծավալմանը եւ նրանց կողմից ապահովագրական ռիսկերի իրական գնահատմանը:

ՅՈՒՐԻ ԽՈՐԵՆՅԱՆ

ՕՐԵՆՍԴՐՈՒԹՅՈՒՆ

ՈՒՂՈՒՄ ԵՆ ՆԱԽՈՐԴ ԳՈՒՄԱՐՄԱՆ ԽՈՐՀՐԴԱՐԱՆԻ ՍԽԱԼԸ

Վրաստանի խորհրդարանը ձեռնամուխ է եղել երկրի կառավարության նախաձեռնությամբ մշակված օրենսդրական փաթեթի քննարկմանը, ըստ որի, ֆինանսական հատվածի նկատմամբ Ազգային բանկի վերահսկողության գործառույթը վերականգնվում է:

Նշենք, որ Վրաստանի կառավարությունը, ներկայացնելով վերոնշյալ օրինանախագիծը, խորհրդարանից պահանջել է այն քննարկել արագացված կարգով: Ներկայացված օրինանախագծով փոփոխություններ են նախատեսվում ներկայումս գործող 16 օրենքներում: Դրանք նախատեսում են փոփոխել բոլոր այն նորմերը, ըստ որի, ֆինանսական հատվածի նկատմամբ վերահսկողությունը պետք է իրականացնի «Հանրային իրավունքի իրավաբանական անձ» ֆինանսական վերահսկողության գործակալությունը: Հատկանշական է, որ ֆինանսական վերահսկողության գործակալությունը գործնականում ոչ մի օր չի գործել, քանի որ մեկուկես տարի առաջ դրա հիմնման համար օրենքում կատարված փոփոխությունները կանգնեցվել էին Վրաստանի Սահմանադրական դատարանի կողմից: